

Na osnovu član 67. stav (3), a u vezi sa članom 68. stav (1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 12. Zakona o raseljenim licima i povratnicima („Službene novine Zeničko-dobojskog kantona”, broj: 6/06, 10/08 i 10/11 - u daljem tekstu: *Kantonalni zakon*) i člana 9. stav (5) Pravilnika o unutrašnjoj organizaciji Ministarstva za rad, socijalnu politiku i izbjeglice Zeničko-dobojskog kantona, broj: 09-34-16463-4/12 od 17.08.2012. godine, ministrica Ministarstva za rad, socijalnu politiku i izbjeglice, d o n o s i

## **P R A V I L N I K**

### **o utvrđivanju uslova, kriterija i postupka za odabir korisnika projekata obnove infrastrukture i stambenih objekata raseljenih lica i povratnika na području Zeničko-dobojskog kantona i mjestima povratka raseljenih lica koja su imala status raseljenog lica na području Zeničko-dobojskog kantona**

#### **Član 1.**

##### **(Predmet pravilnika)**

- (1) Ovim pravilnikom utvrđuju se uslovi, kriteriji i postupak za dodjelu finansijskih sredstava na ime održivog povratka na području Zeničko-dobojskog kantona i na područjima povratka raseljenih lica koja su imala status raseljenog lica na području Zeničko-dobojskog kantona.
- (1) Infrastrukturni projekti koji će se finansirati/sufinansirati iz Budžeta Zeničko-dobojskog kantona odnose se na sljedeće vrste projekata:
  - a) Projekti putne infrastrukture,
  - b) Projekti komunalne infrastrukture,
  - c) Projekti obnove objekata vjerskog i sakralnog karaktera,
  - d) Projekti obnove objekata obrazovnog, sportskog i kulturnog karaktera,
  - e) Projekti obnove ostalih objekata od značaja za povratak i održivi povratak, uključujući i vlastite stambene jedinice za pojedince (fizička lica),
  - f) Zajednički projekti sa višim i nižim nivoima vlasti, sa vladinim i nevladinim organizacijama (podrška obnove i izgradnje putne infrastrukture, pomoći u obnovi i opremanju objekata obrazovnog, sportskog i kulturnog karaktera, te ostalih objekata od značaja za povratak i održivost povratka, kao i podrška organiziranja raznih sportskih, kulturnih i drugih manifestacija).

#### **Član 2.**

##### **(Nosioci projekata)**

- (1) Pravo na podnošenje zahtjeva za finansiranje/sufinansiranje projekata koji se odnose na rješavanje pitanja koji su u vezi sa stvaranjem uvjeta za održiv povratak, imaju općine/gradovi, mjesne zajednice, udruženja, vjerske zajednice koje su registrovane na području Zeničko-dobojskog kantona i općine/gradovi, mjesne zajednice, udruženja, vjerske zajednice izvan Zeničko-dobojskog kantona, a u koje se vratio značajan broj povratnika koji su imali status raseljenih lica na području Zeničko-dobojskog kantona.



- (2) Maksimalan broj projekata po jednom podnosiocu, a na ime održivog povratka je jedan, osim u slučajevima kada se iz vlastitih sredstava za aplicirani projekat izdvaja najmanje 50% vrijednosti projekta, u kom slučaju jedan podnosioc zahtjeva može da aplicira sa više od jednog projekta, a najviše tri.
- (3) Izuzetno od stava (2) ovog člana, u situaciji da u budžetskoj godini ostane neutrošenih sredstva na transferu sa kojeg se finansiraju infrastrukturni projekti, podnosiocu zahtjeva kojem su odobrena sredstva za sufinansiranje projekata na ime održivog povratka, a koji je aplicirao i četvrtim projektom i ispunjava sve kriterije za odobravanje pomoći može se odobriti sufinansiranje i četvrtog projekta.
- (4) Zahtjev za finansiranje/sufinansiranje obnove stambenih objekata mogu podnijeti i fizička lica, putem nadležne općinske/gradske službe, ukoliko ispunjavaju uvjete iz člana 12. Kantonalnog zakona.

### **Član 3.** **(Visina sredstava)**

- (1) Visina odobrenih sredstava po jednom projektu ne može biti veća od 15% od ukupno planiranih sredstava na poziciji Kapitalni transferi drugim nivoima vlasti u Budžetu Zeničko-dobojskog kantona, za godinu u kojoj je zahtjev podnesen.
- (2) Ukoliko podnosilac zahtjeva za sufinansiranje projekta isti finansira iz vlastitih sredstava u iznosu najmanje 50% od ukupne vrijednosti projekta, a taj iznos prelazi cenzus iz stava (1) ovog člana, to će se iznos sredstava povećati do maksimalno 20%.
- (3) Sredstva za obnovu stambenih objekata sa Kapitalnih transfera pojedincima – za fizička lica, odobravaju se u iznosu do 20%, ukupno planiranih sredstava na tom transferu, za godinu u kojoj je zahtjev podnesen.

### **Član 4.** **(Podnošenje zahtjeva)**

- (1) Postupak za finansiranje/sufinansiranje projekata iz člana 1. Pravilnika pokreće se na zahtjev nosioca projekta.
- (2) Obrasci zahtjeva za finansiranje/sufinansiranje projekata čine sastavni dio ovog pravilnika.
- (3) Obrasci zahtjeva su dostupani na službenoj web stranici Zeničko-dobojskog kantona adresi [www.zdk.ba](http://www.zdk.ba), kao i na predviđenom mjestu kod Protokola u zgradi Zeničko-dobojskog kantona, na adresi: Kučukovići br. 2, Zenica.
- (4) U razmatranje će biti uzeti i zahtjevi koji ne budu podnijeti na propisanim obrascima.

### **Član 5.** **(Kriteriji za finansiranje/sufinansiranje projekta)**

- (1) Prilikom razmatranja podnesenih zahtjeva za finansiranje/sufinansiranje projekata vrjednuju se sljedeći opći i posebni kriteriji:

- **Opći kriteriji:**

1. Da je pravno lice, upisano u odgovarajući registar kod nadležnog organa,
2. Da je tražena pomoć namijenjena rješavanju problema i zadovoljavanju potreba povratničke populacije,

3. Da projekat za koji se podnosi zahtjev, nije do sada bio predmet finansiranja iz sredstava Budžeta Zeničko-dobojskog kantona, izuzev ako se ne radi o projektu koji je finansiran, ali nije završen.

• **Posebni kriteriji koji se odnose na pravna lica:**

1. Broj povratnika na koje će se tražena pomoć direktno ili indirektno odnositi,
2. Geografska razuđenost između povratničkih mjesta koja su predmet obuhvata predloženog infrastrukturnog projekta,
3. Učešće nosioca projekta u finansiranju istog.

## **Član 6.**

### **(Dokazna dokumentacija)**

- (1) Uz zahtjev iz člana 4. ovog pravilnika, podnosioci zahtjeva, ako se radi o pravnom licu dužni su priložiti sljedeću dokumentaciju:

- a) Zahtjev (Obrazac MRSPI 4),
- b) Projekat sa iskazanim finansijskim potrebama,
- c) Uvjerenje o poreskoj registraciji i ID broju,
- d) Potvrda nadležne općinske/gradske službe nadležne za povratak, o broju registrovanih povratnika na ili sa lokaliteta koji je predmet projekta,
- e) Rješenje nadležne službe lokalne zajednice kojim se odobrava građenje (ukoliko to zahtjeva priroda projekta),
- f) Ovjerena Izjava nosioca projekta da li je predmetni projekat do sada bio predmetom finansiranja/sufinansiranja održivog povratka iz Budžeta Zeničko-dobojskog kantona, ne starija od 30 dana, ukoliko jeste u kojoj je fazi,
- g) Ovjerena Izjava nosioca projekta o spremnosti sufinansiranja projekata, sa izraženim procentualnim iznosom od ukupne vrijednosti projekta,
- h) Ovjerena Izjava nosioca projekta da ukupna finansijska sredstva potrebna za realizaciju projekta nisu obezbjeđena od strane drugog donatora,
- i) Ugovore, predmjere, predračune ili ponude ponuđača za nabavku roba i radova, za predmetni projekat,
- j) Ugovor s bankom o otvaranju transakcijskog računa (instrukcija za plaćanje),
- k) Potvrda o solventnosti računa.

- (2) Uz zahtjev iz člana 4. ovog pravilnika, podnosioci zahtjeva, ako se radi o fizičkom licu koji zahtjev podnosi putem nadležne općinske/gradske službe dužni su priložiti sljedeću dokumentaciju:

- a) Zahtjev (Obrazac MRSPI 4.1),
- b) Rješenje o priznavanju statusa raseljene osobe ili Uvjerenje o statusu povratnika,
- c) Kopiju dokaza o prebivalištu/boravištu (CIPS), koja nije starija od 6 mjeseci,
- d) Uvjerenje o kretanju,
- e) Kopija kartice bankovnog tekućeg računa ili uvjerenje o otvorenom tekućem računu,
- f) Original ili ovjerena kopija kućne liste članova zajedničkog domaćinstva, koja nije starija od 6 mjeseci,
- g) Dokaz o radno-pravnom statusu za podnosioca zahtjeva i sve punoljetne članove zajedničkog porodičnog domaćinstva:



- za nezaposlena lica – uvjerenje izdato od strane JU Služba za zapošljavanje Zedo kantona ili uvjerenje da se ne vodi u evidenciji osiguranih lica izdato od strane Porezne uprave F BiH;
  - za zaposlena lica – dokaz o visini plaće/platna lista (orginal ili ovjerena fotokopija)
  - za penzionere – ček od penzije (fotokopija)
  - za lica koja su navršila 65 godina, a nisu ostvarili pravo na penziju – uvjerenje da se ne vodi u evidenciji osiguranih lica izdato od strane Porezne uprave FBiH/ Poreska ispostava ili uvjerenje da lice nije ostvarilo pravo na penziju izdato od strane Federalnog zavoda PIO/MIO (orginal ili fotokopija),
- h) predračun sa cijenom troškova radova za realizaciju projekta obnove vlastite stambene jedinice,
- i) zemljišno-knjižni izvadak za stambenu jedinicu koje je predmet projekta, ili posjedovni list ili uvjerenje iz knjige položenih ugovora.
- (3) U slučaju potrebe za dodatnom dokumentacijom podnosilac zahtjeva dužan je istu dostaviti na zahtjev Komisije.

#### **Član 7. (Imenovanje i zadatak Komisije)**

- (1) Ministrica donosi Rješenje o imenovanju Komisije za razmatranje zahtjeva i davanja prijedloga o finansiranju/sufinansiranju projekata iz člana 1. Pravilnika.
- (2) Komisija iz stava (1) ovog člana, ima zadatak da razmotri i utvrdi osnovanost podnesenog zahtjeva za odobravanje sredstava za sufinansiranje/finansiranje projekata, te shodno ocjeni donosi zapisnik sa prijedlogom za Ministricu, vodeći računa o Programu potrošnje sredstava u konkretnoj budžetskoj godini.

#### **Član 7. (Razmatranje zahtjeva)**

- (1) Zahtjevi će se rješavati u skladu sa pravilima propisanim Kantonalnim zakonom.
- (2) U slučaju nepotpune dokumentacije uz zahtjev, podnosilac će biti obaviješten pismenim putem, ili prema procjeni Komisije o hitnosti postupanja, izuzetno putem telefonske obavijesti, o čemu se sastavlja službena zabilješka.
- (3) Rok za dopunu zahtjeva je 8 dana od dana prijema pismene obavijesti.

#### **Član 8. (Rok za rješavanje)**

- (1) Rok za rješavanje po zahtjevu je 30 dana, a u hitnim slučajevima je 15 dana u skladu sa Zakonom o upravnom postupku.

#### **Član 9. (Iznos novčane pomoći)**

- (1) Sredstva iz člana 3. Pravilnika, na prijedlog Komisije, a po odobrenju Ministrice, odobrava Vlada Zeničko-dobojskog kantona svojim aktima.

- (2) Visina sredstava za finansiranje/sufinansiranje projekata za Kapitalne transfere drugim nivoima vlasti i Kapitalne transfere pojedincima odobrava se u skladu sa članom 3. Pravilnika.
- (3) Novčana sredstva će se odobravati u skladu sa Programima potrošnje sredstava u Ministarstvu za rad, socijalnu politiku i izbjeglice.

**Član 10.**  
**(Izvještavanje)**

- (1) Podnosilac zahtjeva za finansiranje/sufinansiranje projekta kojem su po osnovu ovog pravilnika odobrena sredstva iz Budžeta Zeničko-dobojskog kantona dužan je odmah po završetku projekta, a najkasnije do kraja kalendarske godine dostaviti izvještaj o namjenskom utrošku sredstava, odnosno do kraja prvog kvartala naredne godine za projekte koji su finansirani krajem tekuće godine.
- (2) Ako podnosilac zahtjeva ne postupi u skladu sa stavom (1) ovog člana, a podnese novi zahtjev za dodjelu sredstava isti se neće razmatrati.

**Član 11.**  
**(Stupanje na snagu)**

- (1) Ovaj Pravilnik stupa na snagu danom donošenja, a bit će objavljen u „Službenim novinama Zeničko-dobojskog kantona“.

Broj: 09-02-3120 /22

Zenica: 18.03.2022. godine

